

- 1^r Jch bitt üch herren groß / vnd kleyn
- 2^r Bedencken den nutz der gemeyn
- 3^r Lont mir myn narren kapp alleyn



vom abgang des glouben.

- 1 Wann jch gedenck sümnyß / vnd schand
- 2 So man yetz spürt / jn allem land
- 3 Von fürsten / herren / landen / stett
- 4 Wer wunder nit / ob ich schon hett

r iij

5 Myn ougen gantz der zähern voll
 6 Das man so schwächlich sehen soll
 7 Den krysten glouben nemen ab
 8 Verzicht man mir / ob ich schon hab
 9 Die fürsten ouch gesetzet har
 10 Wir nemen (leyder) gröblich war
 11 Des krysten glouben not vnd klag
 12 Der myndert sich von tag zũ tag /
 13 Zũm ersten hant die kätzer hert
 14 Den halb zerrissen / vnd zerstört
 15 Dar noch der schántlich Machamet
 16 Jnn mer / vnd mer verwüstet het
 17 Vnd den mit sym jrsal geschánt
 18 Der vor was groß jnn Orient
 19 Vnd was gläubig alles Asia
 20 Der Mõren landt / vnd Affrica
 21 Jetz hant dar jnn / wir gantz nüt me
 22 Es möcht eym hertten steyn thũn we /
 23 Was wir alleyn verloren hant
 24 In kleyn Asien / vnd kriechen landt
 25 Das man die groß Türcky yetz nennt
 26 Das ist dem glouben abgetrennt
 27 Do synt die syben kirchen gsin
 28 Do hat Johannes gschriben hyn
 29 Do ist eyn so gũt landt verlorn
 30 Das es all welt möht han verschworn
 31 On das man jn Europa sytt
 32 Verloren hat jn kurtzer zyt
 33 Zwey keyserthũm / vil künig rich
 34 Vil mechtig land / vnd stett des glich

35 Constantinopel / Trapezunt
 36 Die land sint aller welt wol kunt
 37 Achayam / Etholyam
 38 Boeciam / Thessaliam
 39 Thraciam / Macedoniam
 40 Atticam / vnd beyd Mysiam
 41 Ouch Tribulos / vnd Scordiscos
 42 Bastarnas / sambt vnd Thauricos
 43 Euboiam genennt Nygrapont
 44 Ouch Peram / Capham / vnd Jdrunt
 45 On ander schaden / vnd verlust
 46 Die wir erlitten haben sunst
 47 In Morea / Dalmacia
 48 Styer / Kernten / vnd Croacia
 49 In Hungern / vnd der Wyndschen marck
 50 Jetz sint die Türcken also starck
 51 Das sie nit hant das mer alleyn
 52 Sunder die Tūnow ist jr gemeyn
 53 Vnd dünt eyn jnnbruch / wann sie went
 54 Vil bystum / kyrchen sint geschent
 55 Jetz griff er an Apuliam
 56 Dar noch gar bald Siciliam
 57 Italia die stoß dar an
 58 So würt es dann an Rom ouch gan
 59 An Lombardy / vnd welsche landt
 60 Den vyndt den hant wir an der handt
 61 Vnd wend doch schloffend / sterben all
 62 Der wolff ist worlich jn dem stall
 63 Vnd roubt der heylgen kyrchen schoff
 64 Die wile der hirt lyt jnn dem schloff

r4r

r iiij

43 genennt *GW5046 GW5047*] gnennet *GW5041* **49** Hungern *GW5041 GW5046*] Hungren *GW5047*

65 Die *Römsche* kirch vier schwestern hat
 66 Do man hielt Patriarchen stadt
 67 Constantinopel / Alexandria
 68 Jherusalem / Anthiochia
 69 Die sint yetz komen gantz dar von
 70 Es würt bald an das houbt ouch gon /
 71 Das ist als vnser sünden schuldt
 72 Keyns mit dem andern hatt gedult
 73 Oder mittlyden syner schwär
 74 Jeder wolt / das er grösser wår /
 75 Vnd gschicht vnß / als den oxsen gschach
 76 Do eyner dem andern zû sach
 77 Biß das der wolff sie all zerreyß
 78 Erst ging dem letsten vß der schweyß /
 79 Jeder der grifft yetz mit der hant
 80 Ob noch kalt sy syn mur / vnd want
 81 Vnd gedenckt das er nit vor lesch vß
 82 Das für / ee es jm kum zû huß
 83 So kumbt jm dann rüw / vnd leytt /
 84 Zwytracht / vnd vngehorsamkeit
 85 Den krysten gloub zerstören dût
 86 On nott vergüßt man krysten blût
 87 Nyeman gdenckt / wie nach es jm sy /
 88 Vnd wânt doch allweg bliben fry
 89 Biß jm vnglück kumbt für syn thür
 90 So stoßt er dann den kopff har für /
 91 Die porten Europe offen syndt
 92 Zû allen sitten ist der vyndt
 93 Der nit schloffen noch rüwen dût
 94 Jn dürst alleyn / noch krysten blût

r4^v

65 Römsche] Römthe GW5046 74 er GW5046 GW5047] es GW5041 81 das er nit
 GW5046 GW5047] nit das er GW5041 84 vngehorsamkeit GW5041] vngehorfamleyt
 GW5046 GW5047 92 vyndt GW5041 GW5046] wyndt GW5047

95 O Rom / do du hatst künig vor
 96 Do warst du eygen / lange jor /
 97 Dar noch jnn fryheit wardst gefürt
 98 Als dich eyn gmeyner rott regierrt
 99 Aber do man nach hochfart staltt
 100 Noch richtum / vnd noch grossem gwalt
 101 Vnd burger wider burger vacht
 102 Des gemeyn nutzes nyeman acht
 103 Do wart der gwalt zûm teyl zergon
 104 Zû letzt / eym keyser vnderthon
 105 Vnd vnder solchem gwalt vnd schyn
 106 Bist fünffzehen hundert jor gesyn
 107 Vnd stâts genomen ab / vnd von
 108 Glich wie sich *myndern* dût der mon
 109 So er schwyndt / vnd jm schyn gebrist
 110 Das yetz gar wenig an dir ist
 111 Well gott / das du ouch grössest dich
 112 Do mitt du sygst dem mon gantz glich /
 113 Den dunckt nit / das er etwas hab
 114 Wer nit dem Rômschen rich bricht ab
 115 Zûm erst die Saracenen hant
 116 Das heilig vnd gelopte landt
 117 Dar noch die Türcken handt so vil
 118 Das als zû zalen / nãm vil wile /
 119 Vil stett sich brocht hant jnn gewer
 120 Vnd achten yetz keyns keyzers mer
 121 Eyn yeder fürst / der ganß bricht ab
 122 Das er dar von eyn fâder hab /
 123 Dar vmb ist es nit wunder groß
 124 Ob joch das rich sy blutt vnd bloß

r5r

96 warst] waßt GW5041 GW5046 GW5047 **102** gemeyn GW5046 GW5047] gemeynen
 GW5041 **108** myndern] myndren GW5046

125 Man byndt eym yeden vor das jn
 126 Das er nitt vordern soll das syn
 127 Vnd lossen yedem jn sym stadt /
 128 Wie ers byß har gebruchet hadt
 129 Durch gott / jr fürsten sehen an
 130 Was schad / zû letst dar vß werd gan /
 131 Wann joch hyn vnder kem das rich
 132 Jr blyben ouch nit ewigklich /
 133 Eyn yedes ding me sterckung hatt
 134 Wann es bynander gsamlet statt
 135 Dann so es ist zerteilt von eyn /
 136 Eynhellikeyt jn der gemeyn
 137 Vffwachsen die bald all ding macht
 138 Aber durch mißhell / vnd zwytracht
 139 Werden ouch grosse ding zerstört /
 140 Der tütschen lob was hochgeert
 141 Vnd hat erworben durch solch rûm
 142 Das man jnn gâb das keyserthûm /
 143 Aber die tütschen flissen sich
 144 Wie sie vernychten selbst jr rich
 145 Do mit die stûdt zerstörung hab
 146 Bissen die pferd jr schwentz selv ab
 147 Worlich yetz vff den füssen ist
 148 Der Cerastes / vnd Basylist /
 149 Mancher würt vergyfften sich
 150 Der gyfft dar schmeycht dem Rômschen rich
 151 Aber jr herren / künig / land /
 152 Nit wellen gstaten solch schand
 153 Wellent dem Rômschen rich zû stan
 154 So mag das schiff noch vffrecht gan

127 yedem *GW5046 GW5047*] yeden *GW5041* **149** Mancher würt *GW5046 GW5047*]
 Mancher der würt *GW5041*

155 Jr haben zwor eyn künig milt
 156 Der üch wol fûrt / mit ritters schiltt
 157 Der zwyngen tûg all land gemeyn
 158 Wann jr jm helffen wendt alleyn
 159 Der edel fürst Maximilian
 160 Wol würdig ist *der* Rômschen kron
 161 Dem kumbt on zwifel jn syn handt
 162 Die heilig erd / vnd das globte landt
 163 Vnd würt syn anfang thûn all tag
 164 Wann er alleyn üch trüwen mag /
 165 Werffen von üch solch schmoch / vnd spot
 166 Dann kleynes heres / waltet gott /
 167 Wie wol / wir vil verlorn handt
 168 Sindt doch noch so vil krysten landt
 169 Frumm künig / fürsten / adel gemeyn /
 170 Das sie die gantze welt alleyn /
 171 Gewynnen / vnd vmbbringen baldt
 172 Wann man alleyn sich zamen haldt
 173 Trüw / fryd / vnd lieb sich bruchen dût
 174 Jch hoff zû gott / es werd als gût /
 175 Jr syndt regierer doch der land
 176 Wachen / vnd dünt von üch all schand
 177 Das man üch mit dem schiffman glich
 178 Der vff dem mer fließt schloffens sich
 179 So er das vngewitter sicht /
 180 Oder eym hund der böllet nicht /
 181 Oder eym wächter der nit wacht
 182 Vnd vff syn hütt hatt gantz keyn acht
 183 Stont vff / vnd wachen von dem troum
 184 Worlich / die axt stat an dem boum

157 Der *GW5041 GW5046*] Den *GW5047* **160** der] det *GW5046* **178** schloffens *GW5046 GW5047*] fchloffes *GW5041*

185 Ach gott gib vnsern hōptern jn
 186 Das sie sūchen die ere dyn
 187 Vnd nit yeder syn nutz alleyn
 188 So hab ich aller sorgen keyn
 189 Du gebst vnß sigk jn kurtzen tagen
 190 Des wir dir ewig lob thūn sagen
 191 Jch mane all stādt der gantzen welt
 192 Was würde / vnd tyttel die sint gezōlt
 193 Das sie nit dūnt / als die schiffflūt
 194 Die vneynß sint / vnd hant eyn stritt
 195 Wann sie sint mitten vff dem mer
 196 Jnn wynd / vnd vngewitter ser
 197 Vnd ee sie werden eyns der fūr
 198 So nymbt die Galee eyn gruntrūr /
 199 Wer oren hab / der merck vnd hōr
 200 Das schifflin schwangket vff dem mōr
 201 Wann Christus yetz nit selber wacht
 202 Es ist bald worden vmb vnß nacht
 203 Dar vmb jr die noch üwerm stadt
 204 Dar zū gott vsserwelet hatt
 205 Das jr sōnt vornen an den spytz
 206 Nit lont / das es an üch ersitz
 207 Dūnt was üch zymbt noch üwerm grad
 208 Do mit nit grōsser werd der schad
 209 Vnd gantz abnām die Sunn / vnd mon
 210 Das houbt / vnd glyder vnder gon /
 211 Es lōbt sich eben sorglich an
 212 Leb ich / ich man noch manchen dran
 213 Vnd wer nit an myn wort gedenck
 214 Die narren kappen / ich jm schenck

185 hōptern *GW5046 GW5047*] hōubtern *GW5041* **205** vornen *GW5046 GW5047*] vornan
GW5041 den *GW5046 GW5047*] die *GW5041*